





*John Carter Brown.*







HUGONIS GROTII  
LIBER SEPTIMUS  
DE IURIS  
ALLEGARIUM  
DISERTISSIMO ALTERO  
SPECTISSIMO



ANNO  
MDCCLXXII  
LONDINI

M. DC. LXXII  
LONDINI

HUGONIS GROTII<sup>v</sup>  
DE ORIGINE  
GENTIUM  
AMERICANARUM

DISSERTATIO ALTERA,  
adversus obtrectatorem,

*Opaca quem bonum facit barba.*



PARISIIS,

Apud SEBASTIANUM CRAMOISY,  
Architypographum Regium, viâ  
Iacobæâ, sub Ciconiis.

---

M. DC. XLIII.

CVM PRIVILEGIO.

1851 Dec 27 3 1/2

Yonkers

1851 1 1 1/2

1851 1 1 1/2

1851 1 1 1/2

1851 1 1 1/2

1851 1 1 1/2

1851 1 1 1/2

1851 1 1 1/2

1851 1 1 1/2

1851 1 1 1/2

1851 1 1 1/2

1851 1 1 1/2

1851 1 1 1/2

1851 1 1 1/2

1851 1 1 1/2

1851 1 1 1/2

1851 1 1 1/2

1851 1 1 1/2



JOHN CARTER BROWN



HUGONIS GROTII  
DE ORIGINE  
GENTIUM  
AMERICANARUM  
DISSERTATIO ALTERA.

**R**OPOSUERAM nuper  
mea cogitata super quæ-  
stione, unde ortæ sint  
gentes magnæ terrarum  
partis, quam nunc vulgo Ameri-  
cam, aut Indiam Occidentalem di-  
cimus. Et proposueram modestissi-  
mè, rationes meas adferens, sine  
cuiusquam iniuria, & ita ut para-  
rum me ostenderem sequi eos qui  
certiora possent indicare, promitte-  
rem etiam me gratiam iis acturum.

Pro hoc & labore meo & comitate nihil minus sperabam quàm maligna iudicia, quale exstitit obtrectatoris, hominis ita Geographi, ut in Hispania Gades & Calis duas nobis insulas fecerit, & in libris quos de America edidit, idem ille Emmanuel Moraes, cuius ipse nobis particulam huic suo operi adtexuit, tot repererit errores quot sunt paginae, sed eos vulgo palam facere sit vetitus, ne quid deperiret auctoritati aut presbyteri, aut exercitoris. Habet hunc morem obtrectator, ut quaecunque ipse aut non legit, aut credere non vult, ea falsa dicat. Falsum ei est, Columbum cognitionem insulae S. Dominici accepisse à mercatore in Canariis & Azoribus versari solito, idque cum eum morti propinquum in Tercera Columbus reperisset. Nomen ei mercatori fuit Zanchius de Huelva, testanti-

5

bus multis, etiam Garcila Vega, qui ex regum Incharum sanguine ortum se dicit, & cuius auctoritate passim hic obtrektor utitur. Et cæteræ Columbi coniecturæ tenuiores erant, quàm ut eis fides tam pertinaciter spei suæ infisteret. Falsum illi, quod Plinius Indos dicit vi tempestatum in Suevorum litora delatos; cùm tamen par casus narretur ab historicis in temporibus Barbarossæ: nec id sanè mirum videri debeat, si per Indos intelligantur Sinenses, & si continuum sit circum Tartariam mare. Falsum illi, circumcisos fuisse Iucatanenses, quod præter Martyrem Anglerium testantur Godingius, & relationes editæ Antuerpiæ anno CIOIOLVIII quæ addunt Tolonas, Acuzamitenses, & alios circa Mexicam. Addidit Herrera Guazacualcenses. Mirum verò quàm ipse res adferat pro

babiles, qui à lue venerea arrosa  
 vult illis præputia, quasi ita Iudaica  
 esset illa lues, ut præputium perdere  
 contenta vicinis partibus parceret.  
 Falsum illi omne id quod viri nobi-  
 lissimi Zenones Veneti, & voce &  
 scriptis ad posteros suos prodidère.  
 At cur tandem? quia ita libet. Om-  
 nia quæ contra me scripsit in hoc  
 argumento, non veritatis scripsit  
 studio, sed obtrectandi. Magis cre-  
 do ei se probat, quem suo operi ad-  
 didit, Lescarbotus, qui probabile  
 putat Noachum in America natum  
 iter ad veterem patriam indicasse  
 posteris. Dicam ego quod verum  
 est, me non libros tantum legisse  
 multos quos & obtrectator, sed &  
 scriptis usum commentariis: quæ-  
 dam etiam me credidisse testibus,  
 qui in illis locis vixerant. Attamen  
 quia hæc, posterius quæ dixi, mihi  
 idem facere possunt, non aliis for-

tē, præfertim, ut nunc sunt tempora  
 pertinacibus, ex solis libris editis sa-  
 tisme habere confido, unde adstruā,  
 non quidem certa esse & explorata  
 quæ dixi, ( neque enim venditavi ut  
 talia ) sed probabiliora iis quæ con-  
 tradietores hæctenùs attulêre. Bi-  
 pertita est mea disceptatio: de gen-  
 tibus cis Isthmum Panamensem; de  
 gentibus ultra eum Isthmum. In  
 utraque parte dixi primùm, quid in  
 universum censerem, illos à Nor-  
 wagia ortos, hos ab austrinis terris,  
 quæ ultra fretum sunt Magellani-  
 cum. Sed exceptiones addidi in par-  
 te nobis propiore de Iucatanensi-  
 bus, & quibusdam eorum vicinis  
 in parte remotiore de Peruanis. De  
 his omnibus nihil dum video cu-  
 meas coniecturas cum aliorum sen-  
 sibus commutare debeam. Groen-  
 landiam ait esse partem continentis  
 Americanæ. libenter ei in eo asser-

tiar. Neque enim ei similis esse vo-  
 lo , ut eam in omnia contraria.  
 Groenlandiam à Norwagis habita-  
 tam , inter ipsum , & me , & omnes  
 constat. Habemus ergo iam partem  
 Americæ à Norwagis , ut ego dix-  
 ram , habitatam. Quid illos Groen-  
 landiæ infessores impediit ire lon-  
 giùs , & per lata terrarum spatia ge-  
 nus suum propagare? Notemus ve-  
 rò nullum vestigium famæ in vete-  
 re orbe repertum, quod ad mille an-  
 nos pertingeret. Islandia quantum  
 ex Annalibus cognoscitur per ho-  
 minem Suedum detecta anno Chri-  
 sti 1000CLXIV. Habitata ab Ingulfo  
 Norwago anno 1000CXIV. Circa  
 dem tempus Groenlandia perno-  
 ci cœpta , teste bono Dithmaro  
 Ileshemo. Utrique lingua vetus  
 Norwagica: Saxonica per commer-  
 cia in oram irrepfit postea. Christia-  
 nismi nulla tunc ibi notitia. Chri-

stianismum pariter accepere, & Islandia & Groenlandia anno Christi  
 cccccxcviii, cum exigua ante iacta essent femina. Et propterea mores quos Angrimus narrat, nihil ad nos pertinent. ij enim posteriores sunt accepto in Islandia & Groenlandia Christianismo. Inter illos annos prope quingentos vide quantum auctus accipere potuerit gens imprimis foecunda. Neque enim frustra Iornandes Gothus, Scandziam, in qua est & Suedia, & Norwagia, vocavit gentium officinam. Japonensis terra à 100 annis habitari coepit. vide quanta ibi fuerit hominum multitudo, in caelo minus genitali, iam Marci Pauli Veneti temporibus, id est, intra annos à sui origine trecentos. Non longè abit ab iis quæ diximus, quod Herrera dixit auctores gentis Mexicanæ mare transisse circa annum Christi

1000000. intraſſe terram quæ poſt-  
 eà Mexicana dicta anno Chriſti  
 1000000. Poſteà novem populos  
 diſtinctis temporibus veniſſe è Se-  
 ptentrione, id eſt, à partibus Ame-  
 ricæ primùm habitatis, unde & illi  
 Mexicanorum maiores venerant.  
 Horum in numero fuiſſe illos qui  
 Mexicano regno nomen dedere  
 ſexcentis ante Hiſpanorum adven-  
 tum annis. Ducentis ante id tem-  
 pus annis adveniſſe ab eodem Se-  
 ptentrione Navillacas, ait Acoſta,  
 venatui aſſuetos hos non minùs  
 quàm priores illos. Nec ſpernen-  
 dum quod Herrera dicit eos qui in  
 terra Baccalao habitant colore, cul-  
 tu, veſtitu, ſedibus congruere cum  
 Lapponibus Norwegiæ vicinis. Po-  
 ſtremos à Septentrione illò veniſ-  
 ſe Tapanecas ait Herrera anno an-  
 te Hiſpanos tercentefimo triceſi-  
 mo & ſecundo. Adde iam argu-



mentum illud , quo & alios indu-  
 ctos video , ut crederent non terre-  
 stri , sed maritimo itinere venisse ,  
 qui primi illas terras habitarunt ,  
 quòd equos secum nullos adduxêre.  
 Quid ergo propius creditu , quàm  
 ortos Groenlandia eos qui ulteriora  
 tenuêre , ita tamen ut , quando cele-  
 bris fuit illa navigatio , per tempo-  
 rum spatia ex Suedia , Norwagia ,  
 Dania cultores accesserint novi ,  
 magna ad sobolem incrementa? Ac-  
 cedit , quod cur gentes pleræque  
 Americæ cis Isthmum credantur or-  
 tæ ex Germania , cuius veteris pars  
 Norwagia est , attuli argumenta ,  
 quæ si non carptim sumantur , ( id  
 enim sophisticum est ) sed iunctim ,  
 multùm apud æquos iudices habe-  
 bunt ponderis , præsertim ubi non  
 opponuntur validiora alia. Inter  
 hæc magnum mihi certè est , quòd  
 sicut Islant , Frissant , Groenlant ,

Estotilant, in lant exeunt, quod Germanica lingua regionem significat, ita & regiones pene omnes quæ in parte sunt novi orbis Septentrionali. Adscribam non pauca ex Herrera. Cibatlan, Apanatlan, Masafilan, Autlan, Acoiuxtetalan, Necedelan, Auxlan, Guaxcatilan, Treozapotlan, Gueotrilan, Civatlan, Languitlan, Cuahuitlan, Guaxolitlan, Cimatlan, Centlan, Gaultitlan, Caratlan, Coatlan, Ixcatilan, Zapotitlan, Quaxitatlan, Maitlan, Ciguatlan, Mautlan, Zumatlan, Chiakhurtilan, Nautlan, Zocotlan, Itzaimichutlan, Anucatlan, Tenuchtitillan, Acalan, Mazatlan, Uspatlan, Huftatlan, Cucutumelan, Metrillan, Axtatilan, Guatitlan, Xeutitlan, Mogitlan, Tuxcaitillan, Ocotlan, Quaxatatlan, Zefotlan, Ycatlan, Tonuchitillan, Comillan, Onocassan, Ci-

nantlan, Tapatlan, Aztlan, unde reges Motefumæ maiores numero octo. Quod autem ex duabus ultimis consonantibus posterior extricta est, id planè mirari non debemus, cum processus temporis in cælo molliore tales vocum emollitiones quasi necessariò secum adferat, ut ostendit lingua nunc Gallica, & aliæ à Latina ortæ. Sic & Norwegam, si Hispanum pronuntiare iubeas, Noribega dicet. Nec illud Alavandorum nomen à Longobardis sive Lombardis longius abit, quàm bipennis nomen Alabarde, quod veteres historiæ scribunt Lombarda, sicut à Saxonibus Sacx, à Francis Franciscæ dicta sunt, armorum genera. Teut gentis conditorem, deúmque dictum Germanicis gentibus notum omnibus, & inde ipsi sibi dicuntur Teutschen, quod Latine scribitur Teutisci. Idem deus

Mexicanis. Negari id non debuit, cum testes habeamus & Herreram & Gomaram, qui res Cortesij diligenter perscripsit, & prætereà Martirem Anglerium: & inde lingua Totonaca apud Herreram, & nomen proprium Theuthlille, ut olim apud Germanos Teutobocchus, & similia multa. Vox Peque torrentem significans, in quam vicorum nomina desinunt, est apud Herreram. Cætera vocabula ex Anglis scriptoribus maximè sumsi. & non dubito quin plura detecturum sit tempus, & quærendi cura. Addam & illud non spernendum, in compositis nominibus apud Mexicanos, ut idem ille testatur Gomara, vocem quæ subiectum significat subsequi, præcedente adiuncto, quo subiectum restringitur, quod in Germanorum vocibus compositis pene omnibus pariter se habere de-

prehendas. Huronibus Aihtaha pater. id quoque vetus Germanicum est Aita. Quòd si ideò gentes illæ Germanicæ non sunt, quia multa ibi vocabula reperiuntur non Germanica, iam à nulla gente orti erunt, quia vocabula illa cum nulla alia gente congruunt. Cui consequens est, ut credantur aut ab æterno fuisse cum Aristotele, aut ex terris orti, ut de Spartis fabula est, aut ex Oceano, ut voluit Homerus, aut aliquos ante Adamum fuisse conditos homines, ut nuper aliquis in Gallia somniavit. Si hæc credantur, magnum video periculum pietatis: si quæ ego dixi, nullum planè. Verè dixit Herrera singulis propè vicis singulas fuisse linguas ante constitutum imperium apud Mexicanos: imò partim & postea. idque necesse est accidere ubi homines inter se segregati suspectique vivunt, ut nota

vit Garcilas Vega, tum in Peruana,  
 tum in Florida Historia. Idem de  
 Huronibus, tantillâ parte dixit Sa-  
 gardus. Veniamus ad morum indi-  
 cia. Tacitus de Germanis: *Prope soli  
 barbarorum singulis uxoribus contenti  
 sunt.* Dicit idem de Massagetis Stra-  
 bo, sed ita ut eos in ea re à cæteris  
 Scythis distinguat. Nam à Scythis  
 orti Getæ, quibus singulis pluri-  
 mas fuisse uxores idem Strabo Me-  
 nandri versibus probat. Et is mos  
 mansit apud Tartaros tum magnæ,  
 tum minoris Tartariæ. Vetusissimi  
 Septentrionalium Americanorum,  
 teste Gomarâ, sunt Chichimecæ,  
 Magatecæ, Otómri, Pindes. His  
 omnibus more Germanico singulæ  
 uxores. Addit Tacitus exceptio-  
 nem: *exceptis admodum paucis, qui non  
 libidine, sed ob nobilitatem plurimis nu-  
 tibus ambiuntur.* Eadem planè exce-  
 ptio est apud Herreram de Hondu-  
 ris,

ris, Iacobum le Maire de Gallorum  
 in Floridam itineribus, & apud  
 Garcilam Vegam in descriptione  
 Floridæ. Is enim ipse Incharum ne-  
 pos qui de Peruanis, etiam de Flori-  
 da scripsit, & quidem accuratè. Ha-  
 bes ibi arma, arcus, & sagittas, tri-  
 bunalia contra æstus. Pœnam adul-  
 terij eandem quæ apud Germanos  
 in Tacito: *Accisam crinibus nudatam  
 coram propinquis expellit domo maritus.*  
 Arcus & sagittas etiam in Virginia  
 Angli notarunt. Duodecim iudices  
 habes apud Herreram. sic & apud  
 Gothos olim. Nicaragua colonia est  
 Mexicanorum. fur ibi in servitutem  
 addictus ei cui damnum dederat:  
 ignavorum in milites rupta arma.  
 Habes eadem in Gothorum & Lan-  
 gobardorum legibus, ubi illa armo-  
 rum ruptio dicitur harniscare. Nar-  
 rat idem Herrera. servum factum,  
 qui ancillæ se miscuisset. Quod ip-

sum quoque in Gothorum est legibus. Sororum filios hæredes, non sane alia de causa, quàm quòd certior ea cognatio, & infantes ad amnem delatos, narrat post alios Benzo. Posterius hoc etiam Gomara. Ad libertatis usque iacturam alexusum, habet Herrera. Vicatim habitasse gentes eas, & Acoſta, & alij. Tempora per noctes & lunas digesta prope omnes. Quæ omnia esse Germanica negare nemo potest. Pars autem Germanorum Norwagi. Hactenùs de Norwagica origine. Tranſeo ad Æthiopicam. Circumcisos fuisse, cùm Hispani in illas terras venêre, Iucatanenses & vicinos quosdam populos tam multos testes habemus, ut id negare non sit hominis modesti ac verecundi. Baptismum addit Martyr. Baptismo datum nomen regenerationis: administratum infantibus anno æ-



tatis tertio. Parentes ad id se parâsse  
 ieiunio & secubatione : confitend  
 morem , unctiōnem in fronte , ho-  
 nestam sepulturam , fidem de iudi-  
 cio universali , Herrera. Hæc simu-  
 iuncta aliò referre non possum  
 quàm ad Æthiōpas Christianos  
 nam & unctiōnem Baptismo acces-  
 sisse , ut apud Christianos veteres  
 ita & apud Abasenos , notatum o-  
 ptimo scriptori Alvaresio. Regnum  
 Abasenorū pertinuisse adusque  
 Manicongum , testantur relatione.  
 Antwerpia editæ anno CIOICLVIII  
 Nigritis , id est , Abasenis & Nubi-  
 ( fuere autem & Nubæ olim Chri-  
 stiani , ut Alvaresius , & alij nos do-  
 cent ) vetera fuisse commercia cum  
 Oceani Æthiōpici accolis , dicit  
 Leo Afer. Et inde , nisi fallor , cir-  
 cumcisio in Caracombainsula , qua  
 est in ostiis fluvij Gabar , cuius re-  
 testem habemus Linscotium. Ob

iicitur & mihi & Martyri Anglerio,  
 qui idem ante me sensit, magnum  
 Oceani spatium, & quod Iucata-  
 nensis regio, & quæ ei sunt vicina,  
 istis Æthiopiæ partibus, non ex di-  
 recto, sed ex transverso obiacet.  
 Respondeo, iactationes tam lon-  
 ginquas evenisse vi tempestatum.  
 Testes sint Indi, quos diximus, ad  
 Germaniæ delatos littora. Audia-  
 mus & Tacitum de cohorte Vespio-  
 rum in Britanniam transmissa: *Tres*  
*Liburnicas adactis per vim gubernato-*  
*ribus ascendere, & uno remigante, su-*  
*spectis duobus eoque interfectis, non-*  
*dum vulgato rumore ut miraculum pro-*  
*vehebantur. Mox hac atque illa rapti,*  
*& cum plerisque Britannorum sua de-*  
*fensantium prælio congressi, ac sæpe vi-*  
*ctores, aliquando pulsî, eo ad extremum*  
*inopie venere, ut infirmissimos suorum,*  
*mox sorte ductos, vescerentur. Atque ita*  
*circumvecti Britanniam, amissis per in-*

*scitiam regendi navibus , pro pradoni-*  
*bus habiti , primùm à Suevis : mox à*  
*Frisiis intercepti sunt.* Narrat idem  
 disiectâ Germanici classe , partem  
 navium deductam in novissimum  
 & sine terris mare: alias eiectas apud  
 insulas longiùs sitas: militem, nullo  
 illic hominum cultu, fame absumi-  
 tum, nisi quos corpora equorum  
 eodem elisa, toleraverant. Alios in  
 Britanniam raptos. Hos, ut ex lon-  
 gino revenerant, miracula nar-  
 rasse, vim turbinum, & inaudita  
 volucres, monstra maris, ambigua  
 hominum & belluarum formas.  
 Adde iam multis gentibus morem  
 fuisse cum feminis navigandi, quo  
 & *Herreræ* notatum. Et solere pro-  
 pter maris incerta in multum tem-  
 pus assumi commeatus. Tempesta-  
 tibus quosdam in Americam deli-  
 ctos etiam *Acosta* sentit. Brasilia  
 tali casu inventam à *Portugall*

omnes consentiunt. Probabile au-  
 tem esse quod hîc dixi, nec ipse qui  
 contradicit negare debuit. Dicit e-  
 nim ipse quod de Cananæorum in  
 Americam adventu dicitur, fidem  
 meritorium, si Cananæi ad oram  
 Atlantici Oceani habitassent. Ad-  
 eam verò habitant Æthiopes illi,  
 unde ego Iucatanenses ortos arbi-  
 tror. Et hoc fortè voluêre Chiapæ  
 habitatores, cùm suos maiores ab  
 Austro venisse dicerent. Nam Æ-  
 thiopia illis Americæ partibus ad-  
 iurionotum sita est. In Mesteca sa-  
 ta facta ritu & habitu Æthiopum  
 et Herrera. Brevevodus verò scri-  
 ptor diligentia etiam nostro ob-  
 spectatori laudatæ, ait eos qui in  
 Guarequa sunt Americæ vi tem-  
 peratum credi eiectos ex partibus  
 Guineæ, aut Æthiopiæ. Neque me-  
 dit, quòd Iucatanenses non sint  
 nigro colore, ut Æthiopes. Solent

enim corpora paullatim vi cœli novi degenerare à sua origine, ita ut Portugallorum in India Asiatica soboles tertia, Indis eorum locorum similis fiat, quod Linschotio notatum. Atque ita nunc, quantum tempora ferunt, absolvimus nostras de parte Americæ nobis propiore coniecturas. Eos qui ad Austrum sunt venisse ex terris ultra fretum Magellanicum, non operosæ est probationis, cum Petrus Fernandes de Quir, productus ab obrectatore, certus testis, dicat qui Americanorum habitum & mores noverit, statim animadversurum magnam similitudinem inter eas nationes, ut maximè verisimile sit eandem esse originem. Et qui fretum Magellanicum pernavigarunt, testantur paria utrinque corpora & mores. Et apud Peruanos vetus erat fama, gentes illas ipsis ad Austrum

obfitas , à multo Australioribus  
 locis venisse : & quidem , quod A-  
 costa ait , mari. Quòd si à freto Ma-  
 gellanico pone fretum Lamairij ,  
 continuus est terrarum tractus ad ea  
 usque loca , quæ Gilolum & Iavam  
 respiciunt , ut multos suspicari vi-  
 deo , & sacris Scripturis credimus ex  
 Asia primùm ortum omne huma-  
 num genus , unde potiùs quàm ex  
 ipsa India Asiatica venisse credamus  
 illos qui magnam illam terram An-  
 tarcticam incolunt , in omnem par-  
 tem me versans cogitare nequeo.  
 In India Asiatica fuisse homines gi-  
 ganteæ magnitudinis docet nos  
 Bartholomæus Leonardus Argen-  
 zola. Tales & in Americæ parte au-  
 strina fuisse , & fama prodidit , &  
 ossa reperta , teste Wislitiro : & nunc  
 quoque non pauca corpora molis  
 eximiæ. Venisse eos à locis trans fre-  
 tum Magellanicum , ait Herrera.

Ad fretum Mairianum visa itidem  
 magnæ molis corpora , testantur  
 qui de iis locis relationem fecêre.  
 Nec quidquam adferri video , quod  
 nostram hac de re coniecturam  
 convellat. Non magis temerarium  
 videri potest, quod Peruanos, ut al-  
 terius ingenij, ita & originis alterius  
 esse credidi, & quidem ortos ex Si-  
 nensibus. Sinenses quippe, ab anti-  
 tiquo sedulos navigatores , loca  
 quamvis longinqua mari quæsiisse,  
 & Xaverius & alij commemorant.  
 Solitos eos sine pyxidis nauticæ au-  
 xilio maria transire, A costa. Itaque  
 nihil mirum, si multum quærendo  
 ex sua continente in insulas, ex in-  
 sulis in oppositam continentem de-  
 venerint, ibique oram legendo per-  
 venerint ad occiduas Peruanæ par-  
 tes, & inde ad Titicacam. Nam cer-  
 tē de Sinensium navigiorum reli-  
 quis testem habemus Martyren

Anglerium. Icaë quoque & Aracæ habitatores, ut Acoſta refert, dicebant olim navigatum illud quod ad Occidentem Americæ eſt mare. Mari eò ventum, ante Hiſpanorum tempora docent & Garcias & Benzo. Pari modo ad Canarias venêre Genuenſes anno Chriſti milleſimo trecentefimo quinto. Neque obſtat quod Peruanî mirati dicuntur Hiſpanorum naves. Multùm enim illæ & forma & magnitudine à Sinenſibus differebant. Ne Colchi quidem ſine navibus Phafim tranſebant. Et tamen Colchus qui Argo navem viderat, apud Actium novitatem rei his verbis exprimit:

— — — *tanta moles labitur*

*Fremebunda ex alto, ingenti ſonitu et*

*ſpiritu:*

*Pra ſe undas volvit: pelagus reſpergit:*

*reſlat:*



*Ita ut interruptum credas nimbum vol-  
vier.*

*Aut quod sublime ventis expulsum rapi  
Saxum: aut procellas, vel globosos tur-  
bines*

*Exsistere ictos undis concursantibus:*

*Nisi quas terrestres pontus strages con-  
ciet:*

*Aut forte Triton fuscina evertens spe-  
cus,*

*Subter radices penitus undanti in freto  
Molem ex profundo saxeam ad cælum  
eruit.*

Præter ingenij ac regiminis con-  
gruentiam, notavimus & alias simi-  
litudinis notas. In Sinis Solis fre-  
quentem fuisse cultum testantur Je-  
suitarum literæ. Et Iaponensiû mos  
est per Solem iurare. Eundem cultû  
in Peruana fuisse unicum docet nos  
ille ex Incharum genere Garcilas, &  
quicumque de rebus Peruanis scri-  
psere. Nam si qui sapientiores ma-

ius aliquid Sole agnovêre numen, id  
 intra animum fuit, sine ullo cultu  
 conspicuo. Et tales etiam in Sinis &  
 Iapane reperti sunt quidam. Figu-  
 ras rerum apud Peruanos agnoscit  
 idem ille Garcilas, non in nodis il-  
 lis & filamentis, sed in parietibus  
 Monumenta rerum per figuras vi-  
 ce literarum apud Peruanos, &  
 Herrera. Et Mexicanos ait ab imo  
 ad summum scripsisse: alios Ame-  
 ricæ à summo ad imum, quod sci-  
 tur esse de moribus Sinensium. Li-  
 bros in Americæ partibus quibus-  
 dam fuisse vult Benzo. Diversoria  
 publico sumtu viis apposita, qui-  
 bus iter facientes exciperentur, no-  
 tat apud Sinenses Mendez Pinto  
 apud Peruanos Garcilas. Lingua nec  
 apud Sinenses quidem una. Et apud  
 Peruanos, ut apud Floridanos  
 multiplex olim ob familias segre-  
 ges, quod notatum & Garcilæ, &

Ciecæ, & aliis. Et Incharum fami-  
 liæ alia lingua quàm subditorum.  
 An aliqua sit vocum consonantia,  
 is demum dicere poterit, qui om-  
 nes Sinenfium, & omnes Peruano-  
 rum linguas noverit. Hæc ideò at-  
 tuli, ut ostenderem probabilia esse  
 quæ mihi in mentem venerant.  
 Neque enim pro exploratis ea ob-  
 trudo. Iterùm dico, si quis certiora  
 adferat, habiturum me ei gratiam.  
 Sed agat ut inter bonos fieri oportet,  
 non vitiligatorum more. Er-  
 rorem unum quem multi errant, &  
 qui huic inquisitioni obstare mul-  
 tùm potest, evellendum mihi iudi-  
 co. Is est existimantium statim à  
 Noæ temporibus, aut à Babylo-  
 niæ turris exstructione, in omnes  
 terrarum partes diffusum fuisse hu-  
 manum genus. At non ita se res ha-  
 bet. Et illi qui apud Moſem nomi-  
 nantur populi circa Armeniam Sy-

riamque sunt, aut non longè inde  
 Scythæ multò pòst, impellendo  
 alij alios, venère ad Septentrionalia  
 Germaniæ, id est, in Scandziam  
 Unde origo cæteris Germaniæ po-  
 pulis. Sed de hac re nihil nunc di-  
 cam amplius: sed liberaliter satis  
 hanc rem tractabo in Anteloquio  
 ad res Gothicas. Neque verò in A-  
 merica ulla sunt vestigia, quæ nos  
 ad origines ducant antiquiores iis  
 quas adsignavimus. Mantissæ loco  
 alia quædam libet annotare, non  
 quòd ad argumentum nostrum fa-  
 ciant, sed ut obtrectator ab alienis  
 reprehendendis, ad sua corrigenda  
 se vertat. Pyxidis nauticæ mentio  
 non reperitur ante annum millesi-  
 mum ducentesium & sextum.  
 Machinas illas igniarias, quibus  
 pridem bellantes utuntur, non esse  
 in Sinis, testantur Iesuitarum literæ  
 anni **CIOIOCXI**. At sunt in locis vi-

cinis Perfidem respicientibus: eò à  
 Persis venêre: ad Persas à Turcis: ad  
 Turcas à Venetis, qui machinis ta-  
 libus usi iam anno millesimo tre-  
 centesimo octavo. Typographiam  
 ante Portugallensium adventum  
 Sinenses non habuêre. Nam totas  
 tabulas figuris incisas imprimere in  
 materias molliores, vetus est fer-  
 me ubique. Typographiam autem  
 cùm dicimus, intelligimus figuras  
 singulas ac solidas seorsim adsum-  
 tas, & certo ordine inter se compo-  
 sitas, atque ita impressas chartæ: de  
 quo reperto inter Moguntiacenses  
 & Harlemenses controversia est.  
 Non convenit quod dicit obtrecta-  
 tor, maximè feros fuisse America-  
 nos, qui proximi essent Septentrio-  
 ni, & quod agnoscit, minimè ibi  
 reperiri hominum estores. Quo-  
 modo equi facilè vagentur, & ex  
 mansuetis efferentur, historia est

apud Garcilam. Estque id non minimum inter argumenta, quæ credi faciant Scythiam cum America non cohærere. Vide autem qui probabilibus fidem derogat, quàm multa dicat non credenda. Per Scythiam transiisse homines non Scythas: Scythiam olim fuisse sine equis, quod contra omnem est historiam: equos transire non potuisse per montes per quos transeunt homines: inter Americam & Tartariam crebra freta intercurrere: Tartaros fuisse navigatores: quorum naves nemo vidit, nemo memorat in Euxino, aut Caspio mari, aut in Mœoti, aut ad oram Sinarum, ita ut nihil restet ubi navigaverint, præter glaciale Oceanum. Egregiè verò argumentatur; si Sinenses fuere navigatores, tales fuisse & Tartaros, unde orti Sinenses; quasi dicat; quia Batavi  
na-

navigatores sunt, ideò & Cattoſ  
 tales fuiſſe. Miratur origines per  
 Iſthmum Panamæ dividi, cum ta-  
 men ibi montes collocet, & nulli-  
 bi faciliùs quàm in anguſtiis inhi-  
 beantur tranſitus. Sinenſes vult pro-  
 ximis locis adhæſiſſe, cum eos non  
 in cætera tantùm Indiæ, ſed & in  
 Ceilanem (quam Selandivam vo-  
 cat Græcus ſcriptor non editus,  
 eandemque Taprobanam dicit: &  
 eſt ſane Taprobane apud eruditos  
 omnes, non autem apud hunc qui  
 ſe excellentem Geographum pu-  
 tat) navigaſſe omnes norunt. Etiam  
 in Africam eos navigaſſe teſtes ſunt  
 Xaverius & Teixera. Illud quoque  
 expedire nobis debet; Rhedas illas,  
 quibus per glaciem vectos vult gi-  
 gantes, quæ animalia traxerint. Pro-  
 bet vel uno teſte Hiſpanos à Ro-  
 manis pulſos fuiſſe in Americam,  
 ſicut nos Norwagos in Americam

venisse probavimus. Si scisset Cananæos eosdem esse, qui Phœnices, non mirum ei videretur, venisse eos ad Herculis columnas, ubi & colonias habuere nobiles. Hannonem mirâ audaciâ ad Americam usque promovet, qui ita Africæ hæsit littori, ut ne ad Canarias quidem pervenerit: quod & ex ipsius Hannonis, & ex aliorum scriptis apparet. Autololes quis unquam fando audivit, aut legit navigasse? Quis eorum mores descripsit, ut cum Brasiliensium moribus possent comparari? Sed hæc in Historia, Geographiâque talia sunt, quale in Latina lingua dicere remulco trahi, pro remis agi: cum remulco agi soleant etiam maximæ veliferarum navium: quale in Physica, negare ranas & mures imperfecta esse animalia; quòd ordinatio modo coëant, & pariant: cum




præter ordinarium illum modum,  
nasci eos ex luto & putredine, ut  
vermes & serpentes, notissimum  
fit, eoque nomine à perfectioribus  
animalibus non parùm differant.  
Certè nisi meliores, quàm istæ  
sunt, censuras exerçant illi tem-  
poris causa facti presbyteri, careri  
illis potuit.


FINIS.


Faint, illegible text, possibly bleed-through from the reverse side of the page.

1217









F643  
G881d

